

Na osnovu člana 70. i 71. Zakona o visokom obrazovanju („Službeni glasnik USK“, broj 8/09), Odluke Senata Univerziteta u Bihaću broj:06-4077/2014 od 10.06.2014. godine i Odluke Vlade Unsko-sanskog kantona broj: 03-017-4101/2014 od 02.07.2014. godine, raspisuje se

### **PONOVI KONKURS / NATJEČAJ**

#### **za upis studenata u I godinu I ciklusa studija na Tehničkom fakultetu Univerziteta u Bihaću u akademskoj 2014/2015 godini**

Ponovni konkurs/natječaj za upis na I godinu i ciklusa studija na Tehničkom fakultetu Univerziteta u Bihaću u akademskoj 2014/2015 godini ostaje otvoren 10 (deset) dana, računajući od dana objavljivanja u dnevnom listu „Oslobođenje“ Sarajevo.

Prijemni ispit na Tehničkom fakultetu u Bihaću za kandidate koji se prijavljuju za upis u I godinu, I ciklusa redovnog studija koji se finansira iz budžeta Vlade USK održat će se dana 15.09.2014.godine u zgradi Tehničkog fakulteta u Bihaću u ul. Dr. Irfana Ljubijankića b.b. Detaljnije informacije o vremenu, sadržaju i načinu polaganja prijemnog ispita biće oglašene na Oglasnoj ploči i Web stranici Tehničkog fakulteta Bihać. <http://www.tfb.ba/>

#### **OPĆE ODREDBE:**

U prvu godinu I ciklusa studija u akademskoj 2014/2015 godini kandidati se upisuju u skladu sa Planom upisa studenata.

Pravo učešća na ovom Ponovnom konkursu/natječaju i pravo na polaganje prijemnog ispita na ovom Ponovnom konkursu/natječaju imaju svi kandidati koji:

- prvi put konkurišu (natječu se ) za upis za studiranje na ovom Fakultetu,
- kandidati koji su se prijavili na KONKURS/NATJEČAJ za upis objavljen dana 02.07.2014.godine u dnevnom listu „Oslobođenje“ Sarajevo a nisu položili prijemni ispit , i
- kandidati koji zbog ograničenog broja prijema studenata, nisu bili primljeni na prvom konkursu na ovom Fakultetu ili na nekom od fakulteta/VŠ-i Univerziteta u Bihaću.

Pravo učešća na Ponovnom konkursu/natječaju imaju državljani BiH, strani državljani i lica bez državljanstva sa završenom odgovarajućom srednjom školom u četverogodišnjem trajanju u BiH,kao i kandidati koji su srednju školu završili izvan Bosne i Hercegovine, a za koje je nakon postupka ekvivalencije utvrđeno da imaju završeno adekvatno obrazovanje za nastavak školovanja.

Prijem i upis studenata u I godinu I ciklusa studija provodi posebna komisija imenovana odlukom Nastavno-naučnog vijeća Tehničkog fakulteta u Bihaću.

Izbor kandidata vršit će se na osnovu Odluke o kriterijima i mjerilima za utvrđivanje redoslijeda prijema kandidata za upis studenata u I godinu I ciklusa studija na Univerzitetu u Bihaću , koja je sastavni dio ovog Konkursa/Natječaja, kao i pojedinačnih kriterija Fakulteta za vrijednovanje rezultata prijemnih ispita.

Rang listu svih kandidata i spisak primljenih kandidata Tehnički fakultet u Bihaću će objaviti na Oglasnoj ploči Fakulteta nakon što je verifikuje nadležni organ u roku od 3 dana od dana od polaganja prijemnog ispita.

Tehnički fakultet u Bihaću će na svojoj oglasnoj ploči i službenoj web stranici dati potpune informacije o mjestu i vremenu predavanja dokumenata vezano za ovaj PONOVNI KONKURS/NATJEČAJ, kao i o drugim bitnim informacijama vezanim za ovaj Ponovni Konkurs / Natječaj.

*Uz Prijavu na Ponovni Konkurs/ Natječaj za upis na I godinu I ciklusa studija u akademskoj 2014/2015 godini, kandidati su dužni predati slijedeća dokumenta:*

- 1) Zahtjev za upis u kome je tačno naznačen odsjek, način studiranja (redovni-Budžet,samofinansirajući - redovni, vanredni),*
- 2) Originalne svjedodžbe o završenim razredima srednje škole završene u BiH u četvorogodišnjem trajanju, odnosno odgovarajuća nostrificirana dokumenta za kandidate koji su srednju školu završili izvan BiH,*
- 3) Originalnu Diplomu o završenoj četverogodišnjoj srednjoj školi,*
- 4) Izvod iz Matične knjige rođenih,*
- 5) Druga relevantna dokumenta za utvrđivanje broja bodova po kriterijima.*

*Prijave sa potrebnom dokumentacijom predaju se u Studentsku službu Tehničkog fakulteta u Bihaću.*

Kandidati koji su bili prijavljeni za upis na prethodnom Konkursu/ Natječaju objavljenom 02.07.2014. godine i čija se dokumentacija nalazi na ovom Fakultetu trebaju ponovo podnijeti Zahtjev za upis u kome je tačno naznačeno na koji odsjek fakulteta se prijavljuju i način na koji žele da studiraju, (redovni - budžet, samofinansirajući, vanredni).

*Neblagovremene i nepotpune prijave neće se razmatrati.*

## **O D L U K A**

### **o kriterijima i mjerilima za utvrđivanje redoslijeda prijema kandidata za upis u I godinu Prvog ciklusa studija na Univerzitetu u Bihaću**

#### Član 1.

Ovom Odlukom se utvrđuju zajednički kriteriji i mjerila za bodovanje i upis kandidata u I godinu Prvog ciklusa studija na Univerzitetu u Bihaću.

#### Član 2.

Rangiranje kandidata i prijem studenata u I godinu Prvog ciklusa studija vršit će se u zavisnosti od broja bodova koje kandidat osvoji:

I. na fakultetima/VŠ-i Univerziteta u Bihaću na kojima je predviđeno polaganje

prijemnog ispita na osnovu :

- općeg uspjeha
- uspjeha iz pojedinih predmeta značajnih za odgovarajući studij
- rezultata postignutih na prijemnom ispitu
- rezultata ostvarenih na takmičenjima iz predmeta relevantnih za određeni studij, kao i rezultati ostvareni u vrhunskom sportu
- posebnog priznanja "Učenik generacije"

II. na fakultetima/VŠ-i Univerziteta u Bihaću na kojima nije predviđeno polaganje

prijemnog ispita na osnovu:

- općeg uspjeha
- uspjeha iz pojedinih predmeta značajnih za odgovarajući studij
- rezultata ostvarenih na takmičenjima iz predmeta relevantnih za određeni studij, kao i rezultati ostvareni u vrhunskom sportu
- posebnog priznanja "Učenik generacije"

#### Član 3.

Broj bodova na osnovu općeg uspjeha iznosi maksimalno 35, a utvrđuje se tako da se prosječna ocjena iz svih predmeta u svim razredima, zaokružena na jednu decimalu pomnoži sa 7.

#### Član 4.

Broj bodova po osnovu uspjeha iz pojedinih predmeta značajnih za odgovarajući studij iznosi maksimalno 15. Spisak predmeta značajnih za odgovarajući studij po odsjecima i način bodovanja po ovom osnovu fakulteti/VŠ-a Univerziteta u Bihaću će istaći na svojim oglasnim pločama.

#### Član 5.

Vrijednovanje rezultata po osnovu uspjeha postignutog na prijemnom ispitu kao i

spisak predmeta značajnih za odgovarajući studij, iz kojih se polaže prijemni ispit po odsjecima i način bodovanja, po ovom osnovu fakulteti/VŠ-a Univerziteta u Bihaću će istaći na svojim oglasnim pločama, pri čemu maksimalni broj bodova koje kandidat može postići po ovom osnovu iznosi 30 bodova.

#### Član 6.

Broj bodova po osnovu rezultata ostvarenih na takmičenjima iz predmeta relevantnih za određeni studij, kao i rezultata ostvarenih u vrhunskom sportu iznosi maksimalno 6.

- Po osnovu ovih kriterija kandidat dobija slijedeći broj bodova: za osvojeno jedno od prva tri mjesta na međunarodnim, državnim i kantonalnim takmičenjima u poznavanju naučnih ( stručnih ) disciplina od značaja za studij, 3 boda

- Za izuzetne rezultate ostvarene u vrhunskom sportu 3 boda.

Spisak predmeta, odnosno naučnih ( stručnih ) disciplina koje se boduju po ovom osnovu fakulteti/VŠ-a Univerziteta u Bihaću će istaći na svojim oglasnim pločama.

#### Član 7.

Kandidat koji je nosilac posebnog priznanja "Učenik generacije" po ovom osnovu dobija 10 bodova.

#### Član 8.

Minimum bodova koje kandidat mora ostvariti na prijemnom ispitu odredit će fakultet/VŠ-a Univerziteta u Bihaću.

#### Član 9.

Postupak provođenja ove Odluke vrši komisija koju imenuje fakultet/VŠ-a Univerziteta u Bihaću.

Na fakultetima/VŠ-i Univerziteta u Bihaću, na kojima se polaže prijemni ispit,

komisija je dužna obezbijediti tajnost ispitnog materijala i druge relevantne dokumentacije.

Nakon zbrajanja bodova, za svakog kandidata pojedinačno, po svim osnovama iz ove

Odluke, komisija sačinjava rang-listu svih kandidata i spisak primljenih kandidata i oglašava

je na oglasnoj ploči nakon što je usvoji Nastavno-naučno vijeće fakulteta/VŠ-i Univerziteta u

Bihaću, a u roku utvrđenom u Konkursu/Natječaju.

Na objavljenu rang-listu kandidati mogu uložiti pismeni prigovor Nastavno-naučnom vijeću fakulteta/VŠ-i Univerziteta u Bihaću u roku od 24 sata po objavljivanju liste.

Nastavno-naučno vijeće fakulteta/VŠ-e Univerziteta u Bihaću je dužno da u roku od 24 sata odluči o prigovoru i o tome obavijesti kandidata.

Odluka Nastavno-naučnog vijeća je konačna.

#### Član 10.

Fakulteti/VŠ-a Univerziteta u Bihaću koji u prvom konkursnom/natječajnom roku ne prime planirani broj kandidata provešće drugi konkursni rok početkom septembra tekuće godine.

#### Član 11.

Kandidati koji u skladu sa ovim Konkursom/Natječajem budu primljeni na fakultet/VŠ-u Univerziteta u Bihaću, za upis u I godinu I (prvog) ciklusa studija, pored predatih dokumenata podnose:

- upisni, semestarski list i ŠV obrazac
- upisnicu ( INDEX )
- ljekarsko uvjerenje
- dokaz o regulisanju obaveza troškova studiranja prema Odluci o visini troškova školarine i drugih usluga za studente I (prvog) ciklusa studija koju je donio Upravni odbor Univerziteta u Bihaću, broj: 01-5748/2011 od 05. 12. 2011. godine.

Pod jednakim uvjetima iz Kriterija, prednost imaju:

- djeca boraca-branitelja BiH,
- djeca ratnih vojnih invalida, djeca šehida i poginulih i nestalih boraca – branitelja i umrlih ratnih vojnih invalida,
- djeca organizatora otpora,
- djeca veterana – prvoboraca,

- djeca ratnih vojnih zarobljenika i

- djeca nosilaca najviših ratnih priznanja

(Sve u skladu sa važećim zakonskim propisima kojima se reguliše ova oblast).

Upis primljenih kandidata će se obaviti u septembru/rujnu 2014.godine, a detaljne

informacije o mjestu i vremenu predaje dokumenata za upis, kao i druge bitne informacije,

biće objavljene na oglasnoj ploči Tehničkog fakulteta u Bihaću, Univerziteta u Bihaću.

Ovaj PONOJNI KONKURS/NATJEČAJ kao i konačni rezultati prijema objavit će se i na WEB stranici

Univerziteta u Bihaću.

Visokoškolska ustanova	Odsjek	Smjer	Broj studenata			
			Redovni (budžet)	Redovni (samofinansirajući)	Vanredni	Ukupno
<b>TEHNIČKI FAKULTET BIHAĆ</b>	Mašinski	Proizvodno-konstrukcioni	6	8	10	24
	Tekstilni	Modni dizajn i konfekcija	15	10	10	35
	Drvnoindustrijski	Tehnologija	18	10	10	38
	Građevinski	Opšti	17	19	10	46
	Elektrotehnički	Informatika	20	8	10	38
<b>UKUPNO</b>			76	55	50	181